



8. januar 2009

Inatsisartut Suleriaasianni § 36, imm. 1 naapertorlugu Naalackersuisunut apeqquut imaattoq matumuuna saqqummiuppara:

Naalackersuisunut apeqquut:

Naalackersuisut tusilartunut sullissineq pitsanngorsarniarlugu qanoq pilersaaruteqarpat?

Tusilartunut siunnersortimik atorfik qanoq pineqarniarpa?

Naalackersuisut qanoq iliuuseqarpat tusilartunut siunnersorti inuttalerniarlugu?

(Inatsisartunut ilaasortaq Agathe Fontain, Inuit Ataqtigiit)

Tungavilersuutit:

Ukiuni kingullerni tusilartut sullinneqarnerat pitsaasuungilaq. Tusilartunut siunnersorteqarneq Sisimiuniit Nuummumut nuunneqarmalli inuttalerniarnera annertuumik ajornartorsiutaavoq.

1979-miilli Sisimiut Nunatsinni tusilartoqarfittut ineriartortinneqarpoq, tamatumalu kingunerisaanik tusilartunik sullissineq patajaatsumik inuttaqartinneqalersimagaluarluni. Tusilartut oqaasiinik ussersornermik piginnaanillit amerliartorsimagaluarlutik, Naalackersuinikkut Pisorta qarfinniillu paasinninnerup annikissimanera pequtaqaataalluni, ineriartorneq univissimasutut ullumikkut oqaatigisariaqarpoq.

Tusilartutut inunngortartut, meeraanerminniilli tusilartunngorsimasut qujanartumik ikiliartorput.

Taammaattorli tusilartooreersut suli nunatsinni innutaapput sullinneqarnissaallu suli pisariaqarluinnartuulluni, pingaartumik inuusuttunngortut inersimasunngortullu aamma eqqarsaatigalugit.

Pitsaasumik kommuninut siunnersuisinnaanerup kingunerisariaqaraluarpa tusilartut inuusuttut inersimasunngulersut imminnut napatillutik inooqqataanissaat.

Taamaattumik tusilartunut sullissinermut pilersaarutit siunnersorteqarnermullu tunngasup suliniutigineqarnerat ullumikkut sumut killinnersut paaseruppakka.